



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Fragstück Des Christlichen Glaubens/ an die neue Sectische Predigkandten**

**Hay, John**

**Freyburg in der Eydgnoschaft, 1587**

**VD16 H 844**

Die 180. Frag.

**urn:nbn:de:hbz:466:1-32773**

Die 178. Frag.

**W**as vrsach strafft ihr mit eurer neuen Form der Buß die Armen allein/ Item/ warumb straffet ihr allein den Ehebruch/ Hurerey vnd nicht auch andere Laster/ als nemlich die Gottflåsterung/ Aufrühr/ Empörung wider die Oberkeit/ Diebstal/ Todtschlag vnd dergleichen Vberrettung?

Die Predigantden sindt ihrer Weibern Eysrig vnd Vergånstig / der halben haben sie scharpff aussen auff die Ehebrecher / andere Laster aber lassen sie vngestraft hinfahren.

Die 179. Frag.

**Z**weyl es zwen vngleiche Geister sindt / der erste so den frommen König David vnd andere eurer König auß Schotten bewegt hat solche Kirchen/ Collegien vñ Schülen/ Spittal vnd Klöster auffzurichten/ der ander aber so euch angeiret hat/ dieselben hernider zubrechen. vnd zuverschleiffen/ So beehrte ich von euch zuwissen / welcher Geist diser beyden von Gott her seye gewesen.

Die 180. Frag.

**E**were Zunfftbrüder auß Franckreich bekennen frey/ es gebäre nicht den Vnderthanen ohn bewilligung ihrer Oberkeit/ die Bösen abzuthun/ warumb habt ihr dann/ ja eurer Königin zu troß / euch vnderwunden aller Bildnussen der Heiligen zustürmen vnd zuverwüsten/ dermassen / das ihr auch Kirchen vnd Clöster dem Grundt verschleiffet/ das Bley darmit sie bedeckt waren mit sampt den Glocken/ Item alle Gezierdt/ Goldt/ Silber vnd andere Metall zu euren Händen gezogen habt / vnd auß dem Landt/ in das Niderlandt verführet/ vnd noch am wenigsten nicht gedencet solchs wider zuhanden zustellen vnd zuliffern/ dahin es gehört/ oder Buß zuthun/ vmb solche vberschwenckliche vilfältige Mißthaten/ jedoch so ist euch das Kirchengut auß den Händen verschmolzen/ wie auch andern euren Mitgesellen/ denen es mit dem Tholosanischen Goldt ist verrochen / vnd ist das lauterlich darauß erfolget/ daß alle die so wider recht das Kirchengut an  
sich

sich gezogen haben/ärmer sindt worden/ als sie zuvor waren. Zu einem Exempel so erinnert euch desselben/ der sein Haus erbauwen vnd auffgericht hat auß dem gestein einer zerstörten Capellen/ der dann hernach im Elendt vnd in der Armut ist gestorben/ wiewol er ein geborner vom Adel was/ auß der Landschaft Mernes/ Item wie auch in seinem Haus vil Blüts gefunden worden / vnd selbs in den Trögen vnd Kästen so mit beschlägen verwaret waren.

Die 181. Frag.

**W**ie manche Kirchen/ Collegien/ Spital / Bruck vnd deß gleichen herliche ding habt ihr dann auffgericht vnd gestift/ wie doch vorzeiten unsere Geistliche Personen dem gemeynen Nutz zu gutem wol haben gethan.

Die 182. Frag.

**W**ie übel vergleicht sich euwere Lehr/ seydt dem anfang euwerer Tyranny/ nicht allein mit euwern Nachbauwren/ sonder auch vnder euch selbs / dann sindt ihr nicht selbs zwoträchtig/ belangende das Gesas Moysi / so weyt es von Gerichts händeln redet/ als nemblich / ob es von Christen gehalten soll werden oder nicht?

Die 183. Frag.

**W**ie dörfet ihr fürgeben/ die Kirchen der Teutschen Luthrischen Stätt seyen euwere erstgeborne Gebrüder / die weyl Joannes Pappus Professor der Luthrischen Theologi zu Strahburg öffentlich bekändt / das ihr vnd sie in den fürnehmsten Hauptpuncten deß Glaubens einandern zuwider seyen/ daß ihr eins / sie aber ein anders Lehren von der Allmächtigkeit Gottes/ Item/ von vereinbarung zweyer Naturen in einer Person Jesu Christi/ von dem hochwürdigen verklärten Fronleichnam Jesu Christi/ von seiner Himmelfart/ Item vom vnderscheid der Sacramenten deß alten vnd neuwen Testaments/ von der Wirkung deß Tauffs / Item von der fürdernuß so die Kindt die von Christlichen Eltern erboren sindt/ haben / Item von dem Nachtmal/ von der Predestination.